

Saopštenje Upravnog odbora Vijeća za implementaciju mira

Na jučerašnjem sastanku u Briselu, Upravni odbor Vijeća za implementaciju mira je razmatrao napredak koji je načinjen u implementaciji Općeg Okvirnog sporazuma za mir (Daytonski sporazum) od prošlog velikog sastanka Vijeća u Madridu u decembru 1998. Odbor je takođe razmatrao napredak koji je načinjen u protekle dvije godine pod rukovodstvom Visokog predstavnika Carlosa Westendorpa, te je izrazio zahvalnost za njegov izuzetan doprinos. Nadalje, Odbor je zahvalio ambasadoru Jacquesu Paulu Kleinu i ambasadoru Hannsu Schumacheru na njihovom radu u svojstvu prvog i višeg zamjenika Visokog predstavnika, te pozdravio imenovanja njihovih nasljednika, ambasadora Ralpha Johnsona i ambasadora Mateia Hoffmanna. Odbor je takođe prihvatio Wolfganga Petritscha kao novog Visokog predstavnika.

Upravni odbor je odao priznanje Visokom predstavniku Westendorpu na njegovoj izuzetnoj predanosti mirovnom procesu. Odbor je naglasio da je u posljednje dvije godine došlo do značajnog napretka u nizu oblasti i da je Bosna i Hercegovina, iako se još mnogo toga treba učiniti, znatno stabilnija i demokracičnija nego što je bila kada je ambasador Westendorp preuzeo dužnost. Uvođenje zajedničkih registarskih tablica, zastave i himne, zajedničke valute i pasoša, kao i donošenje osnovnih zakona, kao što je Zakon o državljanstvu, Zakon o privatizaciji, Zakon o telekomunikacijama, amandmani na imovinske zakone, su tek neki primjeri rezultata koje je postigao ambasador Westendorp.

Članovi Upravnog odbora su odobrili nominaciju Evropske unije, ambasadora Wolfganga Petritscha kao novog Visokog predstavnika od kraja jula, i zatražili od Vijeća sigurnosti Ujedinjenih

naroda da podrži njegovo imenovanje. Oni su takođe apelirali na sve članice Vijeća za implementaciju mira i donatorske zajednice da nastave podržavati mirovni proces i napore Visokog predstavnika, jer je konsolidovanje uspjeha postignutog u BiH u posljednje dvije godine ključni element u promovisanju stabilnosti u čitavom regionu.

Međutim, Upravni odbor zaključuje da rukovodstvo Bosne i Hercegovine još nije pokazalo neophodnu predanost da povede zemlju prema samoodrživom miru i ekonomskoj stabilnosti. Preciznije, izrazio je nezadovoljstvo neodgovarajućim funkcioniranjem zajedničkih institucija i institucija Federacije, radom izabраних званичника te dinamikom ekonomskih reformi. Odbor apelira na rukovodioce u Bosni i Hercegovini da udvostruče svoje napore na postizanju ciljeva i ispunjavanju rokova postavljenih u Madridskoj deklaraciji, te su podsjetili Saveznu Republiku Jugoslaviju i Republiku Hrvatsku na njihove obaveze u implementaciji Daytonskog sporazuma, naročito u pogledu povratka izbjeglica i raseljenih osoba u njihove domove.